

下音 婆蹉下七反 叛逆上音畔也 討伐也 頭禿反
 無下他反 天谷反 嚴峻下陵反 輕憊下莫反 鎔銅上音
 危脆下取反 嚴峻下陵反 嬰愚上音 確擣上音
 上音 對 春 也 陸尤音 莨反 驅駝項我二音

阿育王傳卷第二

禽二

西晉安息三藏安法欽譯

阿恕伽王本緣三

阿恕伽王弟名宿大哆信敬外道譏說佛法
 作是言出家沙門無有得解脫者時阿恕伽
 王語宿大哆言何以知之答言諸沙門等不

乙 兼亦若刊

修苦行好著樂事故阿恕伽王語宿大哆言
 汝今莫於不可信處而強生信可信之處而
 不信敬於佛法僧應生重信阿恕伽王曾於
 一時共宿大哆出行遊獵見一婆羅門五熱
 炙身宿大哆心生信敬往到其邊禮足問言
 苦行已來經今幾時答言經十二年常何所

食答言食菓食根著何物衣答言著於草衣
 為數何物答言數草為座問言汝今所行何
 事最苦答言唯見虫鹿行合之時欲心熾盛
 以此為苦宿大哆言汝著惡衣食於惡食猶
 生貪欲況沙門釋子著好衣服而食好食能
 無欲也我兄阿恕伽王無所別知為諸沙門
 之所欺誑時阿恕伽王聞弟此言語輔相曰
 善作方便使宿大哆令得信解輔相答言隨
 王教勅王脫天冠瓔珞服飾著洗浴衣入浴
 室浴輔相語宿大哆言王若死者汝當代之
 今試著是天冠瓔珞為好不也宿大哆即隨
 其語而便著之坐御座上王出浴室見宿大
 哆坐御座上而語之曰我猶未死汝已為王
 便作是言此中有誰時有真陀羅一手捉劍
 一手捉鈴前白王言何所約勅王言宿大哆
 我今已捨付汝治罪輔相言宿大哆是王親
 弟唯願聽使懺悔改過王言用汝之語聽七
 日為王然後殺之於七日中為作百千音樂

百千婆羅門合掌稱善百千妓女圍遶給侍
有四真陀羅以血塗手面狀欲殺人在四門
下高聲唱言一日已過餘六日在屠裂汝身
分分支體絕斷汝命將不云速如上一日乃
至七日亦如是唱七日既滿將宿大哆至於
王所王問弟言汝七日中極為樂不宿大哆
答言我七日中目不見色耳不聞聲鼻不嗅
香舌不別味何以故見真陀羅捉劍唱言汝
已一日為王餘六日在日日如是乃至七日
為死火逼惱思惟怖畏通夜不寐有何樂也
王言汝憂一身之死猶尚不以王位為樂況
沙門釋子觀生老病死憂悲之苦地獄種種
禽二
燒炙之苦畜生重擔更相殘害恐怖之苦諸
餓鬼等飢渴之苦人中福樂猶有八苦隨逐
其身况無福者諸天雖樂衰退時苦一切三
界受生之類身苦心苦如是等苦之所逼切
五陰如真陀羅六情如空聚五塵如怨賊三
界皆為無常大火之所熾然一切無常苦空

無我以是義故云何當言沙門釋子不能苦
行無解脫也沙門之心於諸樂事都無所染
譬如蓮華不著於水獸患生死棄背世間亦
復如是云何不得解脫果也阿恕伽王以種
種方便教宿大哆宿大哆於是合掌白王言
大王我今當歸依三寶阿恕伽王即抱弟頭
而作是言我欲使汝信敬佛法故作是方便
不必殺汝宿大哆即以香華供養佛塔而聽
說法供養眾僧便向鷄頭摩寺到於上座夜
奢之所在前而坐聽其說法尔時夜奢觀宿
大哆過去之世種諸善根今已成熟應當現
身得入涅槃即為讚歎出家之法宿大哆聞
是語已便生歡喜於佛法中欲求出家即起
合掌白尊者言今願聽我於佛法中出家學
道答言子先應當白王宿大哆即往白王言
大王願聽我出家法王聞是語抱頭哀泣
方便鈞我令得柔伏調順重垂哀愍聽我於
彼大明之所修出家法王聞是語抱頭哀泣
禽二

而語弟言莫發此意何以故出家名為受醜
 陋法著糞掃木食乞於人所棄之食宿則樹
 下敷以草葉病則服於陳棄之藥汝少來婉
 樂不堪受此飢渴寒熱可息汝心宿大哆言
 我今不為馱患王位亦復不求天上之樂亦
 復無有衆苦惱逼亦不貪於錢財珍寶亦不
 怖畏怨敵之難而求出家也唯畏生老病死
 之苦而求出家為得涅槃而求出家王聞是
 語舉聲大哭宿大哆言王不須哭生死輪轉
 不曾休息會必別離何用哭為王言汝今並
 可試學乞食坐此樹下草敷上宿於是便與
 鉢孟錫杖使從宮人次第乞食宮人皆與美
 好飲食王責宮人言何以與彼好美飲食與
 鹿惡食使令調習宮人受教與鹿惡食得亦
 復食不生增減王見是已即語弟言聽汝出
 家汝若出家必來見我宿大哆既得聽已向
 鷄頭摩寺而生念言若我於此出家必多妨
 闕即便往至他方遠國出家學道精勤修習

得阿羅漢道便生心念昔阿育王與我要言
 若出家者必來見我今宜往見即於中前著
 衣持鉢詣華氏城漸次乞食到王宮門語守
 門人言宿大哆欲求見王守門之人即往白
 王言宿大哆今在門外欲見於王王言疾將
 來入宿大哆入王門阿育王見其弟便下御
 座五體投地為之作禮起而合掌看宿大哆
 泣淚而說偈言

一切有生類 聚集為歡樂 我今觀汝眼
 不見親愛相 汝必得勝果 甘露滿汝心
 羅提龜多見宿大哆著糞掃衣執持瓦鉢平
 等乞食好惡皆受亦向於王而說偈言

觀宿大哆 少欲知足 所作已辦 故能歡喜
 棄王種族 并華氏城 珍寶庫藏 及與榮祿
 如捨涕唾 履行聖種 永斷結使 滿足王種
 得大名稱 莫不歡喜

於是阿恕伽王扶宿大哆著御座上以上妙
 飲食手自過與飲食已竟行清淨水取一小

會二

四

座在前而坐求使說法宿大哆便為說偈

王位尊豪莫放逸 三寶難值當供養

說此偈已從座起去王與五百輔相城內人民圍遶恭敬送到門外是名現證沙門之果宿大哆作是念言我兄昔以多種方便化我令入佛法之中今當使彼增益信敬即踊身

虛空作種種變阿育王與諸群臣舉手說偈

斷絕恩愛親 如鳥飛空去 我為王位縛

保愛於世事 訶嫌譏賤我 而自獨解脫

如此之果報 由心得自在 禪定之果報

愚闇盲不見 汝今飛騰去 破我之憍慢

我智力亦微 使我得馱離

於是宿大哆飛向邊地到他國已即遇大病頭髮墮落王聞其病遣醫賣藥往彼療治病得瘥已髮生如故遣醫還去後宿大哆食醉之時身則安隱為易得故徙就曠野牧牛邊住時弗那樂達有尼軋陀弟子畫作佛像而令禮拜於尼軋子像時佛弟子優婆塞者語

阿恕伽王言外有尼軋陀弟子畫作佛像令人禮拜外道尼軋子像王聞瞋恚即便驅使上及四十里夜又鬼下及四十里諸龍等一日之中殺方八千尼軋陀子於華氏城華氏城中復有尼軋子亦畫佛像令人禮拜外道尼軋陀像時有優婆塞已告於王王聞大瞋

會二

五

捉尼軋陀并其眷屬以火燒殺擊鼓唱言若有能得尼軋子頭當賞金錢後宿大哆於尼軋子舍寄宿著惡衣服頭髮極長與尼軋陀子形相類有鬼持刀在一面立宿大哆自生念言我之宿緣應為此鬼之所殺害時鬼謂是尼軋陀子即便斬頭持至王所而索金錢王見識是宿大哆頭復聞一臣道外沙門被殺害者多所有者少極為懊惱悶絕躡地以水灑面久乃得蘇輔相白王言今諸沙門濫死者多王當施於沙門無畏王即作号令言自今已後一切沙門制不聽殺諸比丘等心生疑網而問尊者優波趨多言有何因緣

宿大咳為鬼所殺。荅言：若欲知者，至心諦聽。過去之世，有一獵師，水邊著罽，有辟支佛乞食來過，在其罽邊樹下而坐。時彼獵師不能得鹿，自思：惟以何意，故鹿今都不近我罽耶？便四顧望見辟支佛於其罽傍一樹下坐，即以劔斬頭。尔時獵師今宿大咳，是以其往昔斬辟支佛，故墮地獄中，無量億劫受大苦惱。乃至得道，猶為此鬼之所斬殺。比丘問：言復以何因緣，生貴族家，成阿羅漢？荅言：過去久遠迦葉佛時，供養眾僧，以此福報，得生貴族。多於尔時，信心出家，一萬歲中，修行梵行，由是善因，今成羅漢。

半菴摩羅果緣第四

阿恕伽王於佛法中，已得信心，問優波鞠多：言佛在世時，誰最大施？荅言：有長者名須達，多最為大施。問：言以幾許施？荅言：以真金百億。阿恕伽王言：彼長者尚能布施尔所珍寶，况我今者，王閻浮提，豈可不能於是，便以已

身及拘那羅群臣大地，用盡布施而起八万四千寶塔，及聲聞塔，灌菩提樹，合集計校，都得九十六億兩金。於是阿恕伽王遇病，知命不全，涕泣不樂。羅提鞠提於阿恕伽王昔施土時，在傍隨喜，今得作最大輔相，見王不樂，合掌而言：大王王之威德，譬如盛日，一切人民無敢正視，唯有八万四千姝女得見王面，今王遇病，如日將沒，三界遷流，有必磨滅，當思無常，何為不樂？王荅言：曰：我今不以失王位，故而懷懊惱，亦不以捨身命，故而作憂苦。又亦不以捨宮人庫藏，而作憂惱，正以遠離諸賢聖眾，以為懊惱。我本望滿百億金施，今方得施九十六億四億，不滿用為懊惱。羅提鞠提言：庫藏甚多，可施使足。於是王便以金銀珍寶，與鷄頭摩寺王立拘那羅子式摩婁，以為太子邪見惡臣語。太子言：阿恕伽王命臨欲終，散諸庫藏，悉與欲盡。汝當為王夫，為王者，以庫藏珍寶，以為力用。今應遮截，莫使

禽二

六

費盡於是式摩婁共諸臣等因王疾患一切
所有斷絕不與唯聽以一金盤銀盤為王送
食王得此盤即用施與鷄頭摩寺於是乃至
瓦盤瓦器為王送食最後與王半菴羅摩勒
果王得果已即集諸臣而問言曰此閻浮提
誰為其主諸臣答言唯王為主王言汝等虛

妄道我是主我非是主何以故我唯於此半
菴摩勒而得自在咄哉富貴甚可惡賤我為
人帝臨終貧匱唯存半邊菴摩勒果亦如暴
河觸山則止即說偈言

佛語是真實 所說無不然 說一切恩愛
皆有別離苦 我昔作詔令 無能過絕者

命三

七

今日如瀑水 觸山則流滯 今我之教令
不行亦如是 我昔於天地 普為覆蓋王
諸王有憍慢 我皆能制伏 貧苦無力者
我皆救濟之 先為他陰覆 今日勢力盡
譬如敗壞車 乃至無所直 猶阿恕伽樹
根枯而被斫 華果及枝葉 一切皆無有

我之無所直 其喻亦如是

說是偈已即喚傍臣授菴摩勒與而勅之曰
汝持此果向鷄頭摩寺施彼眾僧可白上座
言阿恕伽王最後所施唯於此半菴摩勒果
而得自在一切所有悉皆喪失眾僧哀愍受
我貧苦最後之施使我得福上座夜奢約勅
眾僧汝等皆見阿恕伽王受福快樂於一天
下摠攬自在今日為諸群下所制斷絕王物
使不自由唯於是半菴摩勒果隨意得用以
慙重心來施於僧即勅典事磨著羹中使一
切僧普得其供告諸比丘言以此之故當於
生死深生厭惡富貴快樂不久敗壞威勢自
在不久皆失咄哉生死甚可厭患傳告後世
諸王富貴得自在者莫如阿恕伽王為諸群
臣之所禁制宜及勢力未衰患時應當盡心
作諸功德阿恕伽王臨欲命終語羅提提
今日於此閻浮提中誰得自在羅提提答
於王言尊得自在王聞此語即起合掌遍觀

四方而作是言唯除庫藏今以四海一切大地悉施佛僧并諸前後所作功德不求轉輪聖王釋梵尊位人天之樂正欲願我將來生處心得自在速成聖果便作詔書以齒印付與輔相羅提提於是氣絕遂便命終諸臣乃以轉輪王法種種莊嚴供養殯葬立式摩婁為王羅提提諸群臣言阿恕伽王以大布地布施眾僧何以故欲學須達長者滿百億施故存在之日唯施九十六億若以四億贖閻浮提則滿先王所願群臣共議用四億金贖閻浮提還與後嗣婁王婁子名耆呵提耆呵提子名弗舍摩弗舍摩子名弗舍蜜哆弗舍蜜哆共諸臣議言云何當使名字流布於世耶時有輔相答言汝昔先王阿恕伽王閻浮提起八万四千塔以百億金施隨佛法幾時住世名字常在王能學起八万四千塔名字亦可以流於世答言昔者先王威德能辦此事我今何能作如是業更可以其餘方便

同阿恕伽王不有邪見輔相言修福作惡二俱得名先王能起八万四千塔名德久流汝能壞之名流後世弗舍蜜哆便集四兵向雞頭摩寺欲壞寺門尔時寺門有師子吼王大恐懼不敢入寺復還歸來如是三返猶不得入後乃使人喚諸比丘而語之言我欲壞佛法汝等比丘欲留浮圖為留僧房比丘答言欲留佛圖於是蜜哆殺害眾僧毀壞僧房如是次第至舍伽羅國而作募言有得沙門頭來者當賞金錢時彼界內大浮圖中有阿羅漢化作數万沙門之頭告語人民使持與王王聞是已欲殺羅漢時此羅漢入滅盡定不能得殺王即捨去往至偷羅厥吒國欲破佛法其國土中有護佛法神作是思惟我受持佛戒不能作惡云何當得護持佛法禁蜜舍鬼昔求我女以彼行惡故我不與今為佛法當與彼女以是因緣偷羅厥吒有大鬼神為作擁護弗舍蜜哆無所能壞於是菩提鬼神

卷二

八

卷三

九

誘進守王鬼神將至南海禁蜜舍鬼擔大石
山而壓殺王及諸軍此衆處即名爲深藏摩
伽提王種於是即斷

阿育王傳拘那羅緣本第五

阿恕伽王夫人字曰蓮華產生一子名爲法
益有一輔相白於王言王應歡喜所以者何

王生一子面良端正其眼最勝王聞此語心
生慶悅而作是言先王之種有大名稱我今
復能增長於法而生此子故遂立名以爲法
益乳母將兒來至王所王見兒已心生愛厚
即說偈言

此子眼最勝 甚有大福德 如初生青蓮

莊嚴在於面 亦如圓滿月 見者無不喜
說此偈已語輔相言頗見人眼有似我此小
兒眼不輔相答言一切人中未曾聞見唯聞
雪山有鳥名拘那羅眼最爲好王即勅夜又
言可疾取彼雪山之中拘那羅鳥吾欲見之
時有夜又即應王命一刹那頃取彼鳥來至

王所王觀此鳥眼小而好與兒之眼等無有
異是故字兒爲拘那羅此名流布普皆聞知
故遂号之名拘那羅也及年長大爲之取妻
字真金鬘王與其子至雞頭摩寺時彼上座
觀拘那羅不久之頃必當失眠即語王言何
故不使拘那羅子常令聽法王便勅子言汝
今應當順上座教時拘那羅合十爪掌向上
座所而作是言有何教勅唯請從之上座勅
言眼者無常不可恃怙當勤修集定慧之行
於是拘那羅受教即退在宮靜處而自思惟
觀眼苦空無常無我時阿育王第一夫人名
帝失羅又向拘那羅所見其獨坐愛感眼故
抱拘那羅而作是言猛火熾然燒於山野姪
欲逼我亦復如是汝今與我宜相愛樂拘那
羅聞是語已以手覆耳而說偈言
此語不和善 塞耳不欲聞 云何以母道
於子有欲想 非法欲不斷 是爲惡趣門
帝失羅又瞋恚而言汝不從我不久之間必
盡

當滅汝拘那羅復說偈答言

願守淨法死 不受姪欲生 破壞天人道

賢智所訶責

帝失羅又從是已後常求其短時北方有國名軋陀羅其國有城名得叉尸羅彼城人民叛逆不順王躬欲往討伐其城輔相諫言王不須往可遣一子征撫而已王便問子拘那羅言汝能伐彼得叉尸羅國不答言能伐王知子意歡喜欲去莊嚴道路諸有老病死士憂苦乞食之徒約勅國界使遠道側阿恕伽王親共其子乘羽葆車而自送之將欲別時抱頭而哭視子而言彼人福德得見汝眼時有相師婆羅門占言王愛子眼而其子眼不以之問必當破壞今見兒眼無不歡喜後若壞者一切憂苦拘那羅已漸前進至得叉尸羅城城中人民聞拘那羅來嚴治道巷捉持吉瓶以示伏相半由旬迎既見拘那羅合掌而言我等人民不叛於王亦不叛王子但叛

王邊諸惡臣耳極設供具恭敬圍遶將入城中阿恕伽王生大重病口中糞臭身諸毛孔皆糞汁流出無人能治王勅大臣可喚拘那羅以為王位我死不久用惡活為王大夫人帝失羅又聞是語已而自思惟若拘那羅為王我無活理即作方便白王說言莫聽醫入

會二

十一

我能治王王便斷醫不聽使入帝失羅又遍勅一切男子女人若有重患如王病者慎莫治之皆勅將來時有一兒得如此病婦詣醫所而作是言我之夫主有如此病醫即答言速往將來為汝治之遂將至醫邊醫便將向帝失羅又所帝失羅又得即殺之破腹而看見其腹中有一大虫虫上去時糞亦隨去虫若下時糞亦逐去於是便以末椒而與亦復不死種種辛物持用與之猶故不死乃至與葱虫便即死逐糞道去以是因緣勸王食葱王言我是利利之種云何食葱帝失羅又重白王言為治病故必應服之於是食葱而虫

即死逐冀道出王病得差語帝失羅又言汝欲得何願答言欲得七日作王王即聽使作王七日帝失羅又既得聽已而自念言我今正是報拘那羅怨惡之時便詐作詔書語得又尸羅國人言挑拘那羅眼何以故拘那羅有大罪過急挑眼出阿恕伽王極爲嚴峻莫復替遲以犯王制封書之時要得王齒印封其書帝失羅又伺王眼睡欲印此書王輒怖畏而自覺悟帝失羅又問於王言何以卒覺我向惡夢見二鷲鳥欲挑我子拘那羅眼作是語已而復還眠第二亦復眠中卒覺語夫人言我復惡夢夫人問言見何等夢答言夢見拘那羅頭髮甚長在地而坐夫人言但好安眠誰害王子王還睡眠夫人以王齒印印書遣使賣書勅得又尸羅國人挑拘那羅眼三復夢見齒墮落王至早起便喚相師而占此夢相師占言如此之夢必是王子失眠之相王聞此語合十指掌歸命四方護佛道神

信法信僧者願護我子書既至彼得又尸羅城城中人民愛敬法僧仁篤之厚乃至無有示此書者而共議言王尚不能恩及其子於我人民何能愛惜拘那羅者每於一切群生之類恒懷悲愍普欲救拔諸根調順無有憍慢如此之子而欲毀害況我等輩便隱此書

禽二

十二

久乃方出與拘那羅拘那羅得書即信其語而作是言隨諸人意取我之眼時無有人取其眼者便喚真陀羅使令挑眼真陀羅不肯而言寧可壞我目云何當壞如此之眼於是用一寶篋價直十萬兩金真陀羅以挑已眼猶故不肯業緣應熟自然有人面十八醜來求挑眼拘那羅見已便憶上座夜奢說眼無常之語乃作是念良由見我必應受此壞眼業報故作此語真是我之善知識也憐愍我故預垂教勅欲使我心受報之時不生恐怖昔者上座又勅我言三有無常危脆如幻我乃久知眼之壞相當取堅法即語醜人言

可取一眼著我手中時彼醜人便即向於拘那羅所欲挑眼取著其手中一切人民稱怨大喚皆作是言恠哉苦哉明淨之月自然崩墮極妙蓮華而被毀壞數万億人啼哭懊惱不能自勝於是拘那羅觀掌中眼而作念言咄哉此眼汝今何故不觀色也本謂汝好今

但是凡鄙肉團誰惑愚人謂中有我橫生愛重直是衆緣假合成目都無實眼如水上泡不放逸者能作此觀便脫生死作是思惟時得須陀洹道已得見諦語醜人言更取一眼便從其語挑其眼取著其掌中時拘那羅重觀是眼得斯陀舍捨肉眼故得法眼淨而作

餘二

十三

是語挑我肉眼而得慧眼捨生死父作法王子雖失富財得於法財永離憂苦後時拘那羅乃知此書帝失羅又之所詐作實非王教便為願言使大夫人帝失羅又長壽安樂無諸衰患何以故由彼方便壞我目緣獲得法利拘那羅婦真金鬘者聞其夫主被挑兩眼

即向夫所見挑眼血汚其身體懊惱哽咽悶絕躄地以水灑面還得醒悟起立啼哭而作是言妙好清淨眼毀壞乃如此拘那羅以偈答言

自作此惡業 今日自受之 一切世界苦
恩愛會別離 汝應遠苦惱 何用啼哭為

城中人民驅拘那羅夫婦二人令出外去而其夫婦生來處樂不堪苦事執持作役彈琴歌乞以自存活展轉而去向華氏城至王宮門欲入宮中守門之人不聽使入拘那羅即於門邊象廐中宿天明彈琴琴中說已辛苦挑眼得道因緣智者聞之自觀陰入皆得出離生死之苦王聞歌琴聲而作是言此琴之聲似拘那羅聲其聲之中作辛苦言亦復更作自大之聲我聞此聲剛強心滅如象失子遣人往看見拘那羅無眼黑瘦而不識之還白王言有一乞人眼盲黑瘦婦在其邊王聞是語已而作念言我本夢見拘那羅子失其

兩目此非是也憶念我子心不暫停當速喚之即遣人復至象廐問盲人言汝是何人爲誰之子盲人答言我父是彼阿恕伽王主閻浮提於一切人皆得自在我是彼子字拘那羅亦更有父爲大法王号名佛陀使人即將盲人夫婦至於王所王見拘那羅眼盲黑瘦衣裳弊壞都欲不識見少形相而生髮鬚即問言曰汝是拘那羅也答言我是王聞其語悶絕躡地以水灑面還復蘇息捉拘那羅著於膝上手摩捫眼涕泣而言汝眼本似拘那羅故遂以爲字今悉無有以何爲名今可道之誰挑汝眼譬如虚空無月無星誰無悲心

禽一

十四

非刀劍害亦非金剛非火非毒非怨惡蛇非尔所苦來逼我身先作此業今受其報使他憂苦甚非所宜一切有身皆如射的衆箭著之此身亦尔衆苦集之阿恕伽王雖聞此語猶爲憂火焚燒其心復告子言阿誰無愛生挑汝眼拘那羅言父勅使挑王言我若勅人使挑汝眼當自截舌拘那羅言得父齒印王言若與齒印當拔我齒若以眼見自挑其眼帝失羅又喚連華夫人而語之言今挑我眼當與我子乞索自活王聞此語便作是念必帝失羅又挑我子眼即喚帝失羅又而告之曰不吉惡物何地載汝不自陷沒破壞法物汝實我怨詐懷親附王轉懊惱瞋恚火起諦視羅叉復作是言汝壞我子眼今當爪咽汝之身肉生貫著於高樹之上以鋸節節解汝之形刀截汝舌捉大鈍斧刻汝骨髓推汝身骸著火坑中以衆惡毒灌汝之口作種種罵拘那羅聞便生悲心而白王言帝失羅又修

禽一

十五

行惡法是以如此王今應當修於聖法不宜
殺害於彼女人嬰兒愚小不應生瞋王猶不
聽作胡膠舍以火燒殺亦復燒殺得又尸羅
城中人民諸比丘等見是事已心生疑網便
問尊者優波鞠多言拘那羅者有何因緣今
被挑眼尊者答言善聽當為汝說昔者波羅
索國有獵師夏任人間冬入山獵將向雪山
值天電雨有五百鹿共入一窟作是念言若
都殺者肉則臭爛挑其眼出日食一鹿即便
兼取五百鹿眼以是業緣今被挑眼爾時獵
師拘那羅是從今已來五百身中常被挑眼
又問言曰復以何緣生於王家形貌端正得
見諦道答言昔者人壽四萬歲時有佛名迦
羅迦孫馱化緣已訖入無餘涅槃爾時有王
名曰端嚴為佛起石塔七寶莊嚴辟方四十
里其端嚴王已死後更有一王名曰不信偷
取塔寶唯留土木衆多人民於此塔所涕泣
懊惱有長者子問衆人言何以涕泣答言迦

羅迦孫馱佛塔七寶所成今為人壞盡取其
七寶唯土木在是以涕哭時長者子還以七
寶修治此塔莊嚴如故又告大衆與迦羅迦
孫馱佛身齊等因發正願使我未來如以此
佛得勝解脫清淨妙果以其爾時造寶塔故
今生尊貴豪族之家由其往昔造佛像故今
得端正以其往時發正願故今獲道跡

阿育王現報因緣第六

昔阿恕伽王時師子主國貢獻五枚如意寶
珠王得珠已即以一者施佛生塔二者施與
菩提樹塔第三施與轉法輪塔第四施與佛
涅槃塔餘有一珠欲與諸夫人若與一者恐
餘者恨阿恕伽王即遣人入宮唱言其有衣
服瓔珞最第一者當與此珠一切夫人皆自
肆力方便求好衣服瓔珞唯有一小夫人字
須闍哆憶念佛語戒衣服瓔珞最為第一作
是念已受持八戒著純白衣阿恕伽王次第
觀諸夫人后妃服飾瓔珞見諸夫人各以伎

樂而自娛樂到須闍哆夫人所見其徒黨悉皆寂默容儀齊整著鮮白衣王心自然甚生恭敬又其衆中有說法座即時禮敬而語之言諸夫人等皆著上服伎樂自俱汝等何以寂然而住夫人答王言佛說慚愧爲上服戒德爲勝瓔珞法音爲伎樂我等諸人受持八戒以當瓔珞自各著於慚愧素服更共說法以爲音樂王聞此語欣然歡喜復語言曰我先有教其有著第一上服瓔珞者當與寶珠今汝等最爲第一與汝寶珠諸夫人見得寶珠後皆相學受持八戒

昔阿恕伽王常請衆僧入宮飲食有一比丘名優鉢羅年在盛壯端正殊持口作優鉢羅蓮華之香王自行水下食聞此道人口氣作優鉢羅華香王即作念此比丘年少端正口中含香將不欲動我宮人之心王時即語以水洗口口倍復香王問之言久近含此香也答言過去有佛号名迦葉人壽二萬歲我

於尔時爲高座法師以讚歎佛法故四十九億歲生於人天之中不墮三塗八難之處口中恒作如是之香王聞語已生歡喜心倍加恭敬作禮而去

昔阿恕伽王使道人說法時以步障遮諸婦女使其聽法尔時法師爲諸婦女說法恒說

舍二

七

施論戒論生天之論有一婦女分犯王法撥幕向法師前問法師言如來大覺於菩提樹下覺諸法時覺悟施戒也更悟餘法法師答言佛覺一切有漏法皆苦猶若融鐵此苦因從集而生猶如毒樹修入正道以滅苦集是女人得聞此語獲得須陀洹道以刀繫頸往到王所而白王言我今日犯王重法願王以法治我王問言汝犯何事答言我破王禁制至道人所譬如渴牛不避於死我實渴於佛法是以冒突聽法王問言汝聽法頗有所得不答言得法見四真諦解陰入界及以諸大皆知無我速得法眼王聞是語踴躍歡喜即

爲作禮即唱令言自今已後不聽障隔樂聽法者聽直至法師所對面聽法歎言奇哉我宮內乃出人寶以是因緣當知聽法有大利益昔阿恕伽王見一七歲沙弥將至屏處而爲作禮語沙弥言莫向人道我禮汝時沙弥前有一澡瓶沙弥即入其中從澡瓶口復還出來而語言王慎莫向人道沙弥入澡瓶中復還來出王即語沙弥言我當現向人說不復得隱是以諸經皆云沙弥雖小亦不可輕王子雖小亦不可輕龍子雖小亦不可輕沙弥雖小能度人王子雖小能殺人龍子雖小能興雲致雨雷電霹靂所謂小而不可輕也昔阿恕伽王深信三寶常供養佛法衆僧諸婆羅門皆生嫉妬共相聚集簡選宿舊取五百人皆誦四圍陀大典天文地理無不博達共集議言阿恕伽王一切盡供養剃頭禿人我等宿舊未曾被問當設何方便使彼意迴有一善呪婆羅門語諸婆羅門言諸賢但從

我後却後七日我當以呪力作摩醯首羅身飛行到王宮門汝等應當步從我後我能使其大作供養汝等都得諸婆羅門皆共然可到七日頭善呪婆羅門即自呪身化作摩醯首羅於虛空中飛到王門頭諸婆羅門亦皆侍從到王門頭遣人白王言虛空中有摩醯首羅將四百九十九婆羅門從空來下今在門外餘婆羅門在地而立欲得見王阿恕伽言喚使來前便喚來入坐於兩廂牀上王言小坐共相問訊即語之言摩醯首羅何能屈意故來相見欲何所須答言須飲食即勅厨中擎五百案飲食著前摩醯首羅等皆手推言我從生已來未曾食如此食阿恕伽答言先不約勅不知當食何食摩醯首羅等皆同聲言我之所食食剃頭禿人阿恕伽王即勅一臣汝往到鷄頭摩寺語尊者耶奢王宮內有五百婆羅門一自稱言摩醯首羅不知爲是人爲是惡羅刹請問所以願阿闍黎來爲

會二

十八

我驅遣所使之人是邪見婆羅門弟子到彼
衆中不稱實如王所言語衆僧作如是言阿
恕伽王有五百婆羅門顏貌狀似人語似羅
刹作是言正欲得汝沙門作食上座耶奢即
語維那鳴椎集僧起辭衆僧言我年已老耄
我爲衆僧當知此事衆僧安隱護持佛法聽
我使去第二上座言上座不應去我身無所
堪能唯我應去第三者言第二上座不應去
正應我去如是展轉乃至沙弥十六万八千
僧中其最下頭七歲沙弥起衆僧中長跪合
掌而作是言一切大僧不足擾動我既幼小
不能堪任護持佛法唯願大衆必聽我去上

會二

十九

我等宿德尚不起迎爲此小兒而自出迎沙
弥問王言何以見喚王時答言此摩醯首羅
欲得阿闍梨爲食隨阿闍梨欲爲作食不爲
作食沙弥言我年幼小朝來未食王先施我
食然後我當與彼令食王即勅厨宰擎食來
與食一案食悉皆都盡如是擎五百案食與
皆都盡問言足未答言都未足王復勅厨言
所有餘食盡擎來與沙弥沙弥得食忽尔都
盡問言足未答言未足飢渴如本厨監白王
飲食都盡王言庫中尅備千人食一切都般
來倏忽都盡王問言足未答言猶未足王答
言一切飲食悉皆都盡更無有食沙弥言最
下頭婆羅門將來我欲食之即時噉盡如是
悉食四百九十九婆羅門悉皆令盡摩醯首
羅極大驚怖飛向虛空沙弥即時座上舉手
從虛空中摠頭復噉使盡王即時驚怕噉諸
婆羅門使盡復不噉我不沙弥知王心念即
語王言王是佛法檀越終無損減慎莫驚怕

即語王言王能共至雞頭摩寺不王言阿闍
 黎將我上天入地皆當隨從沙弥即時共王
 到雞頭摩寺王見沙弥朝所食之食諸眾僧
 等皆分共食所食五百婆羅門皆剃除鬚髮
 被著法衣在諸眾僧下行末坐最初食者最
 在上座頭摩醯首羅最在行末五百人見王
 沙弥極生慚愧我等尚不能與此沙弥共戰
 何況與諸大衆而共捕力猶如鷓毛俟於爐
 炭猶如蚊子與金翅鳥捕飛蓬疾猶如小兔
 共師子王捕其威力如此之比不自度量五
 百婆羅門心生慚愧得須陀洹道

會二

二十

諸邪見臣恠其所作若見宿舊有大德者為
 可禮敬幼小無德何煩自屈禮敬王王閻浮
 提名有聖德應當自重云何輕作禮敬此言
 展轉王得聞之王既聞已集諸群臣不聽殺
 生各仰人得一種頭若馬牛若百獸之頭唯
 勅耶奢大臣使得自死人頭一仰使於市賣

之一切諸頭悉皆得售唯有人頭獨不得售
 諸人皆言所賣之頭普悉得售唯有人頭獨
 不得售王時問言何以不售一切物中何者
 為貴諸臣荅言唯人最貴王言人為最貴應
 得多價云何不售諸臣荅言人生時雖貴死
 為最賤人頭尚無有欲見況當有買者王問
 言一切皆賤唯此頭賤荅言一切皆賤王言
 若一切人頭皆賤今我頭亦賤耶尔時耶奢
 怕不敢荅王言耶奢直實荅我耶奢荅言實
 如王言實亦不異王言我頭與此不異者汝
 何為遮我不使禮拜汝若是我真知識者應
 當勸我禮拜何緣我自作禮汝便嗤笑我今
 頭有所直應當敬禮貿易貴頭後無所直云
 何可用貿易勝頭若是我親善知識者曼我
 頭有所直應當勸我作禮使我將來得諸天
 身賢聖勝頭

會二

廿一

昔阿恕伽王供養眾僧尔時宮中有一下賤
 婢見王作福自責先業心生不樂作是念言

王福復轉增我罪轉多何以故王先身修福今得富貴今日重作將來轉深我先身有罪今爲斷下今日無以可用修福將來轉賤何有出期衆僧食訖此女糞掃中得一銅錢以此一錢即施衆僧心生歡喜其後不久得病命終生王夫人腹中滿足十月生一女子端正殊妙然其右手急拳年滿五歲夫人白王所生女子一手急拳王喚著前王爲摩手手即得展當手掌中有一大金錢隨取隨生不曾有盡王恠所以將問耶奢此女先身作何福德令此掌中常生金錢耶奢答言先身之時是王宮人糞掃中得一銅錢用施衆僧以是因緣得生王宮以此布施衆僧因緣手把金錢用不可盡

世作一國王而我王閻浮提云何言我貧窮也有一智臣答言試珠所能王即遣人試珠所能有捉珠者能使斫刺都不得近身上有瘡捉便得愈寒時得暖熱時清涼此珠力故能使服毒自然消化著濁水中能使四十里濁水自然澄清王庫藏中雖有種種珠乃無此一珠王自思惟我實貧窮彼阿闍世王有此寶鎧唯留缺壞一甲德量如是當知先舊佛在時人福德深厚我之薄福生在佛後昔阿恕伽王使上座耶奢請尊者賓頭盧耶奢語王好煎酪酥極令香美尊者賓頭盧將八万四千羅漢一時來至僧集坐定王自行水手自過食與尊者賓頭盧飯純酥用澆王白尊者酥性難消能不作病尊者答言不作患也何以故佛在世時水與今日酥氣力正等我身是彼時身以是之故今不爲患王問言何由乃尔尊者賓頭盧伸手入地下至四万二千里取地肥示王而語王言今人薄福

肥膩之事肥中肥膩皆流入地以是因故知佛在時人福德深厚

昔阿恕伽王時太史占相白如是言王有衰相王問太史云何禳却太史荅言唯有修福可得禳却王時即造八万四千塔作諸功德王問太史惡相滅未太史對曰猶故未滅復問尊者耶奢何由得滅尊者荅言王自修福專於一己故此福輕勸一切共修福者斯誠寬曠福鍾亦重可以禳災可以除害王聞是語即著微服勸諸國人索物作福到一貧女人舍尔時女人唯有一氈以障身體聞作福聲心生歡喜即入屋裏向中過氈授與王語言何不自出過與荅言唯有此氈以障於身今脫布施身形裸露不得自出王聞是語歎未曾有還至宮中以諸夫人衣服瓔珞來迎此女請為姊妹封大村落以布施之功華報如此受果在後

昔阿恕伽王遍行勸索欲用作福到一貧家

夫婦二人著鹿弊衣粗得遮體語言阿恕伽王憐愍百姓欲使得福勸共作會貧人夫婦心中自責我先身時由慳貪故今得貧窮今日無財可以修福夫婦議言我等當以身質財福業難值得財與者不亦快乎夫婦相將即詣富家語言與我七枚金錢夫婦身質滿禽二七日若不得者我身及婦為汝奴婢長者聞已歡喜即與七錢于時夫婦尋賣此錢與勸化者勸化者問言汝從何處得此錢來以用布施夫婦荅言貧之絕無錢財欣遭福田無以修福從富長者假此錢以身為質若其過限夫婦二人許為婢奴勸化者言如是質假其事甚難何用布施貧人荅言先身不作今日以厄受此貧苦故今努力傭假布施以是因緣願使將來之身必得富樂王到宮中自以己衣服瓔珞及所乘馬并諸夫人衣服瓔珞即與彼封大村邑阿恕伽王如是勸化作福惡相即滅也

昔阿恕伽王欲取阿闍世王所舉舍利阿闍世王著恒河中作大鐵劍輪使水輪轉著舍利處種種方便取不能得問蓮華比丘云何

可得比丘答言擲數千斛柰著中可得止輪尋用此語以柰著去水中偶試一柰柰墮機

關孔中劍輪即定更不迴轉然大龍王守護都不可得王時問言何由可得答言龍王福

勝無由可得問言云何知彼福勝答言以金鑄作龍像及以王像以秤秤之重者福勝即

時秤量龍像倍重王見此事即勤修福既修福已復更鑄像復更秤量王像龍像秤量正

等王更修福復更鑄像秤看王像轉重王知像重將諸軍眾往到水邊龍王自出獻種種

寶王語龍言阿闍世王遺我舍利我今欲取龍王自知威力不如即將王至舍利所開門

取舍利與阿闍世王所造油燈始欲盡漸舍利既出燈亦盡滅王恠而問蓮華比丘云何

阿闍世王裁量油燈至取舍利方始乃滅尊

者答言彼時有善算者計百年中用尔許油用如是計故使至今

光四末

阿育王傳卷第二

禽二

大哆下丁反鈴巨廉反瓜分上古反寐密二反婉樂上必反

錫杖擊上先反徙斯綺反牧牛放音目葆

保音蘇甦網俱犬反貧匱下求位反殞葬上必反

杌吾骨反樹無也乞亦下音蓋椒子消反凡鄙

挑土彫反替遲上音蓋椒子消反凡鄙

老耄下莫到反象廐下音加

弊壤上破也摩捫下音泡拋音髮髻上反廐救下音

爪下紆陌反以鋸音據推汝上土反冒突上莫反

鈍斧上徒困反推汝上土反冒突上莫反

霹靂上音雷疾激也屏處上音餅嗤笑上尺反

石捫先才反金翅智下施反粗祖古反揃力上音角

較作音授賣去反賀易上莫候反襪却上音

備假古音寶鎧下音酪酥上音蘇漸音